

陶文毅公全集

陶文毅公全集卷四十八目錄

文集 告文

告露筋神女文

告安徽城隍神疏積水文

水災告江神文

海運告海神文

海運告風神文

海運告天后文

海運告龍神文

海運再告海神文

劉猛將軍文

爲水患礮擊江潮告江神海神文

文集 告文

告露筋神女文

惟神質秉貞純行標淑烈大節堅於金石心迺不移惠威布在江湖靈原不爽茲以糧艘回空道經祠下允惟風雪之將加深恐冰凌之易結特遣專官肅將誠悃尙祈順風相送兼馳數日之程水波不興庶利千帆之涉漕舟式邁神貺聿昭敢告

告安徽城隍神疏積水文

竊以撫臣暨屬等之於尊神職雖異然皆以莅斯
土衛斯民也今歲水災之甚撫臣惻然計神尤惻
然也陰雨連綿蛟洪驟發兼以數省共災川湖彭
蠡建瓴於上江海潮汐倒漾於下皖介其間靡從
疏瀉撫臣奉職無狀上千天和以詈吾民既慚且
慄不得已而議撫卹議捐賑議採買平糶請於
朝報可仰見

聖德如天惟恐一夫不獲也至於挽回造化體天心之
仁愛以澹沈災而拯民困者非神之求而誰求歟

茲者秋成失望田廬猶淹垂盡之民喘延以待迺連日水勢雖退而東北風競所縮僅以尺寸計若再淹旬時將蕎麥亦不能種而鳩形鵠面之衆且填於溝壑矣伏惟尊神於天最近於民最親庶幾俯矜墊溺爲民請命速息陽侯之威驟斂終風之暴水歸其壑民獲更生地方幸甚撫臣幸甚夫國家秩祀之崇與民間胥蠶之盛神歆之久矣若水不卽退民不能生撫臣之愆亦懼爲神之羞也若撫臣有得罪於民不足以厭此災者卽難逃神之鑒察罪而罰之惟神命毋重爲災黎患敢告

水災告江神文

竊見本年霖淋日久蛟水乘之皖處下游被災尤重隄穿圩潰沙走崖傾魚鼈游於堂前田畝沈於潦底流離載道老弱顛連加以東北風多連月不息埂處棚栖之衆屢捲於波濤鳩形鵠面之人半填於溝壑酸心之狀蒿目難言非徒煎慮於臺臣實已慘聞於神聽伏思天心育物無剝而不復之機

帝德好生有服而卽舍之罰况匍匐有同於人井豈拯援莫切乎瀕危仰惟尊神職司水府奉天宣化爲

國承流朝宗之路是遵利濟之功宜洽所冀鴻慈廣
被噩水潛消障銀浪以東趨捲銅旗而西下樓臺
不窮雲邊之蜃氣全消窟穴無留釜底之蛟涎盡
掃人歸田里戶泯懷襄庶幾潛此沈災恩同再造
多稔多黍今茲之屬望雖虛有幹有年來歲之經
營有賴敬告

海運告海神文

伏以百川衍派海濱當薈萃之區千舶飛芻江左
值轉輸之候慶廣儲於豐稔米本如山卜利涉於
安平波還似鏡凡此水道經由之所胥賴神明護
佑之庥今者海運議成新漕待發諏吉二月之朔
糧艘開行路出扶桑望長安而近日津通析木指
溟渤以瞻風惟神位奠左閭久昭赫濯澤東東解
盡仰朝宗伏祈水德靈長靖風濤而庚郵尾接其
仰

金倉充裕貢米粟而丁運首輸俾南船順軌而行惟

神之力望北極連檣而進荷

天之麻敢告

海運告風神文

伏以銅鳥靜轉應千里而無差綵鷁平飛歷重洋
而利涉占二十四番之信天下皆春運百五十萬
之糧江南蒙福惟神靈之垂護俾轉漕之有方今
者海運議成新漕待發諏吉二月朔日糧船開行
萬舶連檣望

帝京而早發千艘銜尾奠瀚海以無波仰

德惠之日宣徧瀛壖而無分遐邇協

聖徵之時若履安瀾而共適蕩平當茲挽粟轉輸用敢
籲誠請告伏願仰叨庇佑順藉吹噓春水依然泛

桃花而浪靜布帆無恙指析木以津通

天庾同登神庥允賴敢告

海運告天后文

伏以太乙體天佐生成於大造後庚得水普化育
於重洋舳艫蒙安穩之庥緬神慈久叨福庇轉漕
垂均輸之績籌

國計倍切民依今者海運議成新漕待發龍驤萬斛
欣飽載乎珠杭鵠首千行贊豐登於

玉食惟神屢膺

封典靈貺常昭當茲挽粟東南尤望式憑上下星幢羽
蓋雲中之導引彌周珠絡香纓海外之聲靈罔間
用茲著吉上籲精誠伏願風檣所指海水胥恬惟

正之俱相小民咸知稼穡遵王之路慶寧上世適
平康敢告

海運告龍神文

伏以水德靈長滙百川而委納

天倉充裕貢千舶以轉輸噓氣成雲騰榮光於貝闕
應時沛澤獲多稼於大田惟神靈之呵護彌周俾
估客之帆檣並集今者海運議成新漕待發諏吉
二月朔日糧船開行靖風濤於島嶼應教海不揚
波達米粟於津門合使風能助順用敢籲誠請告
伏祈靈爽式憑奉俎豆於千秋永庇南天之化通
舳艫於萬里早飛北海之芻豢

海運再告海神文

惟神潤破芳瀛波涵員嶠萬川流注百谷朝宗前
以漕運初開肇申昭告茲際連檣並進再肅精禋
爰因胙饗以抒誠冀庇舟航而利涉攬雲間之古
渡風發東南指日下之通津星連朔北千帆穩渡
仗神力而書上安平萬艘邁行裕倉儲而功昭轉
運敢告

告劉猛將軍文

伏以禦患捍災

聖世重有功之典秉仁酌義禮經隆索饗之儀矧靈昭
方祲乎

宸章斯報寶宜崇乎廟貌惟神德昭果毅功贊豐康穀
我烝民並田祖社公而司嗇去其螟螣率跂蟲喙
鳥以驅邪精爽式憑蠢蠕立翦用答

九重之宵旰爰膺四字之褒嘉

天咫尺而不違

絲綸紉纓神左右其如在俎豆馨香伏願俯鑒精禋益

昭靈爽迎貓祭虎年年登大有之書擊鼓吹幽處
處兆豐年之慶敢告

爲水患嚴擊江湖告江神海神文

維道光十有一年孟秋月朔日辛亥越告日庚子
太子少保兵部尙書兩江總督陶澍謹遣京口水
師營副將李恩元署揚州營參將三等子陳述祖
以香楮之儀致告於江神海神之前曰伏以萬流
仰鏡滄瀛歸容納之區百谷遵王江漢識朝宗之
路惟神有職就下爲墟茲者鴻水成災鳩民失業
崩崖裂石長橋來吮血之蛟潰岸穿隄矮屋有跳
梁之蠋歷五旬而漲猶未退逕千里而瀾竟思迴
竹箭無聲蘆灰莫止但見洲荒一片浪捲雲寒忍

聞野哭千家。甌沈竈破。具官無狀。定知變不虛生。
百姓何辜。竊冀神罔時怨。特專水帥。敬致瓣香。爰
借火攻。宣通巨礮。氣引列星。而上電掣雷轟。水陷
百川。以東沙飛石走。波上之水犀利涉。潮頭之金
弩齊鳴。驅蛇龍而放之。菹請從此逝。聽鴻鴈之噉
于澤。庶幾來歸。敢告。

陶文毅公全集卷四十九目錄

文集

祭文

祭協揆河間師文

祭禮部謝鄉泉先生文

祭禮科掌印趙芸浦師文

祭兵科掌印張秋浦同年文

祭學使周石芳侍郎文

祭衡山聶藻庭太翁文

祭彭澤張侍講太翁文

祭內閣李白橋同年文

祭刑部劉春臺同年文

祭俞陶泉都轉文

祭李香畬師文

祭那拉一品太夫人郭洛羅太君文

祭周恭人張氏文

祭唐安人黃氏文

祭周氏女文

文集 祭文

祭協揆紀河間師文

於庠三台位炳入柱材長扶輿清氣以礪以礪篤
生賢哲爲國棟梁河間古郡文獻舊邦維公煥起
益迪前光家傳鏤管人號繡囊名門習教世德餘
慶爰自束髮已出輩行桂林秋馥高摘無雙旋游
瀛渤疊晉春坊書窺武庫地接文昌上林儷馬羽
獵儔揚繁二千石共治惟良一麾欲出

聖眷逾常俾留侍從獨領鉛黃至今盛事芬溢縹緗根
盤利斲冶鍊彌剛玉關生入

金殿重翔馭娑上值薇閣兼襄旋佐圻父南省嚴莊
烏臺五掌操勵冰霜偉偉宗伯典禮肅將惟寅惟
直不愆不忘官總六十濟濟蹒跚古稱夔契伯仲
顏頤維公間出司命文章如蘇在宋如韓在唐當
其落筆萬斛獨扛風雨離合河海汪洋經史醞醖
百家笙簧王楊沈宋驅使奴降屢持文柄星使建
幢材揆現異體刷紛曉春闈三度玉尺評量公門
蔚秀桃李芬芳斗山之望允矣克當昔在

四庫綜理書倉一斤較重三篋訂亡丁牛歟導亥禾
譌詳箋宗古策鋒發新銳排籤插架挈領提綱編

帙之富於古未嘗潤流學海幟樹詞場他難僕數
此尤煌煌維公在職夙夜不遑心侔水鏡度協圭
璋

天子有命股肱巖廊貳公宏化變理陰陽尙期元老永
贊平康曷來用馬俟爾雲驤澍等夙親函丈久侍
門牆周模孔楷卓爾在望寒煙漠漠白雲浪浪瞻
懷舊德慨然神傷爰陳蕙俎爰沃椒漿靈兮不昧
鑒此馨香

祭禮部謝薌泉先生文

繫惟先生毓靈漣水太傅之初蔣公之里幼習名
教鄂不蜚英枝駢寶桂蔭襲田荆爰暨叔兄賢書
同上紅餅開筵黃金射膀木天之府高敞穹窿履
輒入直花影搖紅旋擢烏臺班先豹直果有諫名
柏無孱色道避驄馬樹鳴鳳皇勁正之氣蹶而弗
僵秩秩儀曹窠名瑞錦樺燭晨趨壺冰夕飲屢持
紅旆植幟文壇奇揆素梓秀擷江蘭德樹務滋勇
形爲敢照古以神騰今以膽一經有業兩到相攸
國香初馥憶去之秋壯志方長貽謀伊始孰云先

生而止於是樹等備員情切風景芳型臨風泣歎
懷此德馨爰奠瓊漿載陳旨酒靈旗翩然如在左
右

祭禮科掌印趙芸浦師文

京江浩浩北固崕崕篤生時哲經師人師松檜挺
心璠璣煥色以式於鄉以儀於

國遂官薇省入直

樞機使節浮湘四牡駢駢度支所司實惟農部旋擢
於郎而登烏府簡霜耀白葵日杼丹道旁聽馬

殿上牙冠

帝曰都哉汝才其試俾漕於東以觀厥事歸而報最

宸眷逾隆有星西指言采其風維彼梁州列於禹貢士
本秀良人安紘誦周模旣植孔鑄斯神材成在匠

器備於身師之持衡於茲三度人言不私臣心彌
固尙懷夙昔隱念平生慷慨仗義立達關情昔歲
在酉金飢告戚路有新殍家無現糴師獨奮然曰
我之倡以賑以貸以澤其鄉民之瘁矣霍於垂死
成功不居惠茲閭里比來起復庫藏是稽辰入酉
出盡瘁滌釐物望所推謂且大用泰山忽頽罹此
慘痛澍等夙親函丈久隸門牆埏埴誰資袒惻中
腸爰陳椒酒奠茲羹帛瞻望神旂纚其來格

祭兵科掌印張秋圃同年文

於虜稼者必獲樹者必食此理之恒於事奚惑晚
穫多粟晚食果腹斯古之云而今不復維君之生
沃祗光祿世居樂陵煒其名族幼饗於學惟書是
勛嶄然頭角以翕其譽遂餽於庠薄言采藻經史
咀茹典墳肆討遭家不造厥疚屢丁旣螺於叔而
鍛其翎帖兮何怙和扁無靈閒關匍匐孤苦伶仃
仰屋罄懸呼天骨立苦雨忽來荒雲欲泣行路崎
嶇比鄰於邑而慮益衡而巖益習旣乃萃鼓秋風
杏霏春晝玉樹英聯金堂隊膝賦寫麒麟書成鸞

驚

天子曰都予其試哉惟喉惟舌職爾其才爰自侍御進
秩黃門雲暉麗正星炳台垣中間邁閔麻衣如雪
羔琴既聲寅清載列

天街輭繡九寓來同威宣赤棒路避花驄旋掌兵垣
班先右掖曳履森嚴瞻

大咫尺公才既裕公望攸歸宜澤而庭忽脫塵機君之
秉節如藁出水兩袖皆風一塵不滓君之莅事如
鏡在懸案無留牘道有直弦君之進言不隨不激
其利既普有弊必剔君之司衡玉尺頻持溉蘭成

晚藝蕙盈輝某等白社興悲黃廬誌痛不爲私哀
而爲世慟不爲人亡而爲道恫椒酒旣陳靈旂來
鞞

祭學使周石芳侍郎文

於庠天柱峰頽柳州爲之慟哭玉芝霜隕夢得聞
而撫膺良以耆舊云亡古今同慨知親零落人生
所悲惟我先生器秉

國楨行成士表鮮于泣芋時方弱齡柳母九熊教成
孤子陸氏則崑岡並美馬家之白眉尤良讀東觀
書珥西清筆星輅四出無非藻芹玉尺所收盡在
桃李承明著作

帝典出於一家天府文昌貳卿同乎八座雖波生宦海
臣已投閒而日照窮淵

帝原鑒直知齊賢爲可用因老其才召李泌以還朝必竟
其用當

聖主龍飛之始思草茅蘗伏之賢

北闕綸宣東山屐出

兩朝再遇甫佩學士之魚一月三遷遽賜侍郎之緹三載
奉皇華之

命兩江仰冰鑒之懸方幸甲子甫周常拜

紫鸞之賜誰知龍蛇已識不度白雞之年此固縉紳所

同哀抑亦

朝廷所深惜者矣若夫魏公陳迹自有龜趺于雲著

書均在虎觀而荊州人物豈能無惜元龍吾輩棟
梁何可遽亡叔寶憶昔金華把袂玉署聯鑣六科
是前奉爲先正十年以長事若諸兄旣彈王貢之
冠爰結朱陳之好蘿從柏施過從方殷燕去鴻歸
風塵旋判一自送歸舟於湘水捧諭檄於巴山萬
里生離十年春夢吳江皖水跡雖通而仍睽秉鉞
乘軒職各羈而莫晤巨卿之見元伯忽是夢中劉
晏之交景山已成死友於虜哀哉一別終古半月
還疑檢巾篋之書九言猶在懷元賓之誼一字皆
珍莫鼓靈牀之琴空效寢門之哭丹旌一去流水

千秋阮陳留之七哀非子誰爲徐豫章之一酌於
禮爲宜謹薦椒馨用伸芻奠九京可作吾將與隨
武子游旅魄來歸君應從屈大夫去於虀哀哉尙
饗

祭衡山聶藻庭太翁文

於虜庾燭一朝莊舟半夜桑戶返真槐柯恒化河
山邈已風雨淒其眷言耆舊慨然興悲維公之生
抗心希古秀挹蒸湘奇鍾岫嶠先公作宰在秦有
恩桐鄉俎豆澤逮子孫公幼而孤父書是讀船冷
孝廉盤飧苜蓿允惟尊宿言念老成請縷其目以
像平生道宇和平靈臺渾穆霽月光風如周茂叔
簾竹流音移華煥采友于之情如姜仲海敬孚梓
里誼範枌鄉有典有則如王彥方留心人物宏獎
聲名津津牙慧如謝宣城雜識癸辛新編甲乙好

古而劬如皇甫謐河有高源涇無濁流資陽秉鐸
如胡湖州浙米療荒指困議賑急難毀家如鬪令
尹寶壓竄金花開蓉鏡七業俱成如劉長盛用茲
舄奕家慶團欒雲連翰苑星應郎官方祝期頤

詔書銜鳳甲馬忽聞西雞入夢某等譜連令子誼屬姻
家人型宛在曷罄吁嗟於虜陰德延丙上藥駐籤
奚古有徵而今弗然爰陳蕙俎爰奠椒漿靈兮不
昧來格來嘗

祭彭澤張侍講太翁文

於廬阜黯兮雲深蠡湖沈兮煙密玉棺冷兮秋
風石柳寒兮白日偉清河之茂族兮綿世澤於我
翁繩孝友之令緒兮里鳴珂而融融騰碩望於綺
齡兮入黌序而膺激賞拜鄉老之賢書兮賦鹿鳴
而魁藥榜迨珥璫之頻哈兮迺振鐸以稱師蝴蝶
飛而上階兮春風漾於緇帷旋作令以栽花兮溯
洞庭而西上變渾敦之澆風兮匪蘭絲而保障值
有苗之不靖兮駭豕突而狼奔迄教匪之蠡起兮
烽煙徧於襄樊惟大庸之逼處兮實防堵之宜固

安徵調而弗煩兮操勝算於先務來予人兮山砦
立予馬兮高岡渠魁禽乎鵠首脅從斂乎鵠張爰
脫劔兮解刀遂雞馴兮犬帖斯宦蹟之用光尤口
碑兮允協暨抽簪以遂初兮宅林下而優游池波
鑑乎宣髮兮屏風寫其明眸現年高而彌劭兮令
德模乎閭里芬甡甡而鬱鬱兮茁階前之蘭芷維
某等之供職兮侶望郎於

鑾坡景人型而宛在兮每結想於山河謂好修之納
祐兮跡錢鏐而遠紹奚飛履之化鳧兮空悵望於
雲表爰陳絮酒兮載以瑤卮靈恍惚其來格兮歌

以迎之

祭內閣李自橋同年文

於虛天之生人其有意耶其無意耶以爲無意生
之何其難以爲有意死之何其易天耶人耶觀君
之齋志以沒其能無疑於夢夢耶君幼而失怙家
徒四壁伶仃孤苦賴母氏天志教養以至成立自
爲諸生文名大噪試輒高等而秋闈顧不遇迄貢
成均捷北闈人謂君可以遇矣而會試顧又不遇
其後以教習期滿出爲校官辛未北上捷南宮名
在十卷前而館選顧又不得預始君之捷鄉會試
也以其卷魁一房至是尤銳意魁天下一時知其

才者亦莫不以魁傑君而竟又不遇則豈非天哉
君有學有識有肝膽立德立言可以不朽所未立
者功耳既已改官薇省又奉慈命留京供職爲諸
鉅公邀致

史館行且用甄敍得官平生不在溫飽之志庶幾見
諸行事而孰意君竟不起也哉夫以君之生而阨
晚始一第而又阨以子輿氏困心衡慮之說徵之
固若天之有意於君者而今復安望乎茫茫天意
其謂之何君臨化時朋輩環泣問遺言惟云人生
不免此一日臨終不亂如此非夫達天知命者不

能然則有意無意澍等所不能解於天者君固有以信之於天矣惟是一棺束身數千里迢迢歸而七旬老母撫藐孤倚門而泣有令人不堪涉想者是終無以解於天道也於其行哭而送之以酒

祭刑部劉春臺同年文

於虜自古才人不遇者多矣論者每以歸之天道
然其人往往恃才傲物有以干鬼神之忌又或名
過其實澤外而竄中造物者亦暗權其所獲而消
息之此不得盡以無知目天道也乃今於先生有
疑焉先生爲諸生困場屋年且四十始獲一舉禮
闈旋報罷歸臥林下者九年其學旣高從者日衆
問字之車滿戶外束修所入足以將母種花灌園
若無求於世者故先生始雖不遇其樂自在也及
戊辰再赴京師大挑二等例以教諭用明年會試

中式

殿試名在二甲前館選爲庶吉士人謂有志者事竟成矣而先生獨以身遠於親貧無以養意忽忽不自得蓋先生晚雖遇其樂反遜於前也先生古貌願身性坦率不以冷熱爲燥溼人皆樂與之處其始以文章鳴迨散館一等不授館職改官秋曹晨夕趨公秉正不撓遇疑獄尤詳慎人始詫其政事之精而益歎向之知先生者有未盡也先生嘗言使吾向得爲校官以奉母吾母必樂今無以慰母欲歸未能俟補缺得

誥封吾母卽當老依膝下矣於虛言猶在耳孰知已不起耶往歲李白橋舍人之卒母老子單同年聚而哭之今先生之遭又甚於白橋豈天果欲厄才歟以先生之質實淵藹宜若爲造物之所寬而乃若抑若揚卒輾轉窮之以至於死也其謂之何澍等悼哲人之萎悵心友之亡醺酒而不覺其辭之悴也先生其一鑒之

祭俞陶泉都轉文

於瘁人之相知貴於知心觀吾陶泉老友之安上
全下與所以見知於

聖人者豈不以一心爲之貫澈而誠至斯乎哉君之雋
會試也余方監試內簾旋入館選爲庶常然未嘗
一識其面余之識君也在撫皖時由賀耦耕方伯
嘖嘖以書道君稱爲循良第一而賀方伯之先則
今中丞林公少穆於陳臬蘇州時廉知君荆溪之
治績而調君首邑以拯溺於吳門也蓋二公之知
君夙矣賀方伯之言曰俞某之治民治心之學也

遇頒白而式於輿見餓者而吐其餽以爲不安於心也其自治則然林公之言曰始終不易其所守者俞某也觀二公之言可謂見然明之心者余以道光五年夏由皖移蘇其時高堰大潰漕路塞余議由海運首拔君同知督糧司海運局務未幾奉諱歸及竣事仍以君名達得

旨加知府銜儘先升用時君方在籍蓋昇數也起復至蘇適常州府缺出閣督襄平蔣公按部至蘇因相與會議舉君爲知府得

旨報可未至任先署蘇州府而蔣公特器君旋調之於

江寧適賀方伯亦從山東旋江寧委任君尤至如修貢院開城河建書院一切有益地方事無不煥然興舉十一年春

欽使議淮饒奏請歸兩江總督管理余因舉君署運使事兩淮值疲壞之際積欠至五千八百餘萬庫中如洗君莅事則整頓章程刪浮費去冗滯卹商便民饒務遂起旋奉

旨實授去年冬余以述職入

覲

召對十四次疊蒙

天語稱君之賢謹對以俞某出身循良所至有聲倘俾
盡其所長必更能努力報效

朝廷若論鹽務特其餘事實乃羈之

天容爲之一莞

陛辭之日復蒙

溫諭運司好官因其辦鹽務而轉更宿留之未可也俟
有可接替之人當更酌之跪聆之下復謹對以

聖恩體卹至此微獨俞某凡屬聞者莫不感激而圖奮
也於虔

天意眷眷如此且晚間必邀

特擢君正可出其所志所學以宏設施而酬知遇詎意
天語猶在耳而君已不及待也能不爲

國家惜爲地方惜而豈僅以經營轉運爲兩淮惜也
哉余之出都也蒙

恩准假回湖南省邸木行至鄭州得君耗不禁失聲如
喪余之右臂遂於中途拜摺改道東旋甫抵金陵
卽赴邗上披其帷而不見其人也回憶去冬十一
月余北上過揚入視君疾見簿書盈几案娓娓猶
一刻不歇曾勸以節勞養息逮至邳州猶以書奉
囑君亦答書京師深以余言爲然孰知別甫四十

餘日而竟成長往耶君之疾作非不可痊徒以關心鹽務拳拳不能置以至於沈篤不起古所謂以死勤事者非耶君臨去時神明不亂猶言不及見余九原之下心照聞此更覺愴然不禁老淚之縱橫也於序君之心盡矣竭矣以此照古今可矣豈惟同時僚友哉於其行輓而質之情話以證於君之心

祭李香齋師文

於虛室降玉棺王子驂鳧之日城開石柳滕公駐
馬之年燭素蜺以懸旌悲深薤落曝老龍而投杖
愴其荷甘名花萎色於河陽梁木摧音於秦岱空
餘几席無因作東閣之窺枉悵人琴觸物發西州
之慟爰徵顏誅用薦虞歌猗惟吾師炳靈江漢根
蟠仙李望衡則甲族騰華秀擷青蓮入夢則庚星
煜采闔苑實游仙之地蕙畝猶存成都留問字之
亭草堂新築若乃洗汪學海怫悅言泉羅二十八
宿於心胸振五三六經之羽翼槐花踏去香分窟

裏之蟾苜蓿吟成人繫階前之馬名經燼矣多士
儀焉廓喀以小醜跳梁頻侵舍衛大吏謂羽書馳
檄必用枚臯萬里從征三年攬轡斯時也沙飛水
立山走厓僵骸體痛哭於人前狼狽哀號於馬後
無冬無夏峰頭之古雪長寒疑雨疑晴峪口之悲
風不斷遂使請纓得路秀才重見從軍底須投筆
封侯才子居然拔幟爾乃頭功致敘腰綬輕紆藉
弦歌三徑之資佐干羽兩階之化五溪潦淨鋤將
要路荆榛九畹風多開出公門桃李兼以戶庭似
水崖岸如山劉元明食祇一升誠爲異術屈突蓋

艾稱三斗未許同科固知榆次來時境內有鳳凰
之瑞迨及壽春別後車前惟黃特之牛師之居官
人所罕觀爰以六年之最遂膺三事之榮神君望
重乎閭閻司馬階分乎守牧

楓宸入覲屏間書君奭之名竹馬來迎道左望細侯之
駕方謂公才公望歷吳興而迪簡虞襲豈期人哭
人歌入桐鄉而先傷朱邑聲伯之涉汨水夢斷于
申賈傅之在長沙日斜庚子悲哉大暮逝矣前期
澍等侍帳情親傳衣誼切空陳一瓣返魂不抵胡
香雅有束芻起死詎同靈草河山邈矣風雨依然

此時巫峽沾裳黯淡掩三聲之淚他日新都表關
循良銘五尺之封

祭那拉一品太夫人郭洛羅太君文

丹邱雲掩絳海塵封帙霞唳鶴輦月驂龍天花不
斷靈草難茸十洲何處三島何從繫惟太君毓英
望族台袞蟬聯膏梁鹿續絲綸世掌門楣肯構爰
烏樂珠是徵祥玉柔嘉維則淑慎其儀湯應號聖
經合稱師尊章載懋家室攸宜每拜樊牀親提栴
瓊祀潔蘋蘩詩刪非封侶悵釵分心貞牢其鏡掩
雙鸞雛栖一鳳孝思旣備慈訓尤宣陶家臥薦李
宅船錢遂由翰苑游陟卿聯文通武達家聲焜然
疊荷

恩綸祿精食報八座起居五花官誥羈履方綬訃音忽
告露隕烏啼山摧狼嘯澍等鯉庭舄蔭鳳閣承芳
郝鍾禮法夙景暉光慈雲漠漠天風浪浪靈旂颯
纓歆此椒漿

祭周恭人張氏文

瓦棺泉下誰開石室之銘玉蘂花前倏降瑤池之
詔駕鸞驂而縹緲三島雲多望鶴馭以迷離十洲
路邈黯然而已傷也何如繫惟恭人生於茂姓東
堂屬草家藏太史之書西邸簪花才擅夫人之格
當待膳而致孝筍用宜室而咏夭桃羹是手調問
小姑而識性車仍躬挽職中饋以稱能時則希甫
先生運值家艱在專子職援呼將伯關河徧歷窮
途望慰慈親門戶獨支健婦逮夫桂園摘豔薇省
簪毫代咏雞鳴西掖趨

朝之會相莊鴻案右曹休澣之餘既而軾擁綆油秩
躋青綬五花判事閨中懸智慧之珠萬木同春境
內借菩提之蔭此尤王夫人之解圍施幃難與齊
科樂羊妻之勗學斷機未容比例者矣且也教成
二子譽嫺雙丁雲路聯翩鵬翼見南池之運霞光
的爍

龍章膺

北闕之封緬此微音方瞻養日曷來遺響遂託悲風
於虛黔路迢迢楚天黯黯露偏晞薤雨亦酸梅澍
等風景女宗情殷鄉誼賡元相悼亡之什坐仰古

槐讀孟郊游子之吟悲深萱草爰以旨酒祇奠椒
筵靈兮有知尙其來格

祭唐安人黃氏文

於庠白環樹下榦瑤傳八會之音元璫臺前舄玉
煥九苞之采餐餘紫草商王女原解飛昇彈罷靈
璫魏夫人終須脫化指琳堂之翠蒨白鶴聲多望
瓊島之蔥蘢青鸞路邈盡焉值此傷也何如繫惟
安人毓英江夏神清則蒔蕙爲心性慧則菩提證
果謝家羣從翩翩推咏絮之才衛氏諸鄰嫋嫋學
簪花之格夫其幼而婉婉長益端莊奉寡母爲師
與諸兄競秀傳來進士非無不櫛之人縱是女流
何異克家之子若乃柔嘉維則淑慎其儀纔過三

朝便諳姑性每當午夜不斷機聲夫是夕郎起草
對挑燈之彥兒爲前子栽花連異畝之陰遂使門
內式其善則閨中穆若清風湯聖針神不爽精明
之素男臧女獲咸歸淑惠之施於虛雲氣何多翹
首忽來翠輦雨聲纔過酸心竟送黃梅邇山刻石
之年忍聞葬玉元圃棲真之地但有垂簾豈天道
之難知奚佳人之無命也哉某等誼共桑鄉心儀
蕙畝椒漿致奠來格來歆

祭周氏女文

維道光三年季冬月朔日乙未越十二日丙午爹
娘遣僕方順以香楮庶羞之奠祭於周門陶氏瑞
姿大小姐之靈於庫女之初生太歲在庚其年鄉
舉余始有名明年入都女妹又生雙瓦在寢其泣
嗶嗶女母於時健婦當門入曰而爨出汲以薪負
女以襁出女於綳交幅在背有纏其膝左蠻右觸
頭角雙崢以哺以育以逮於成女之秉性異於常
嬰幼而沈靜步矩行繩終日婉婉頽笑不形昔在
先公初得女孫憐女質弱鑒女神清女侍而扇

肫肫其誠 先公喜女病爲之輕女齒逾齠從余
之京世父世母夙惟女憐送女於舟雨涕交零余
官京師冷門畫扇女日在側如影隨形年十有九
而總於人敬執婦道尊章咸稱明年余出別女西
征執手嗚咽栖栖屏營旋移於晉病未女迎女言
余居舊在西城車過而痛淚眼縱橫女之至性令
我忼忼母憶而痛女病且增載病而南望眼雙瞳
去十一月雨雪載程值余初度座上客盈筵陳杯
畢饗溢筯笙忽報女至喜極而驚維時阿妹甫泊
湘船扶持外母暨諸舅甥同來不速歡然合并十

數年來此樂未曾留之卅日歸捧兕觥訂以再來
搖搖心旌奚天不惠倏爾長暝聞女之去以余生
辰於序異哉余生女行女行而歸入我戶庭賓筵
甫散風哮窗櫺黃耳狎狎儼若有聆余起而跡母
寢載興孰知吾女已返雲輶胡香莫覓靈草難榮
傷女舅姑悼女夫卿幸女有子哀女伶仃此生已
矣淒其我情昌黎祭畢於禮有徵余詞可綴母哀
曷勝以妄塞悲爲女焚經絮酒在盂歆女之靈尙
饗

陶文毅公全集卷五十目錄

文集 告示

巡漕告示

山西晉陽書院告示

蘇州紫陽正誼兩書院告示

籌辦海運曉諭沙船告示

安徽水災告示一

安徽水災告示二

安徽水災告示三

安徽水災告示四

安徽水災告示五

安徽水災告示六

沿江被水成災勸捐告示一

沿江被水成災勸捐告示二

沿江被水成災勸捐告示三

三省水災勸捐告示

票鹽由場局收垣發販章程告示

票鹽簡明章程告示

嚴禁沿途匪棍擾累票鹽告示

嚴禁八灘等處票鹽轉尖入黃告示

勸設豐備義倉告示

文集 告示

巡漕告示

照得本院奉

命巡視南漕查催六省糧艘跟幫挽運定限綦嚴總期
積弊胥除運行遄速案查欽遵

諭旨剔釐各弊凡有漕政理宜一體肅清除應行文武
各衙門遵照外合亟條示曉諭爲此示仰漕屬員
弁及運丁頭舵水手等知悉現在新運屆期務各
凜遵禁飭痛除積弊所有條示開列於左

一遵

旨裁革陋規以肅漕政也嘉慶十四年欽奉

上諭旂丁應領行月贈五等米飭令概兌本色另貯一
艙免致影射朦混如尙有每船折米百石之事卽當
查拏嚴辦至向來旂丁沿途浮費前已通行飭禁設
有不遵仍照舊需索徃爾等指名首告且該州縣本
有津貼銀兩現已令該省督撫量加調劑是爾等浮
費旣除運費又足倘有仍前藉口橫索幫規必當查
拏究辦等因欽此欽遵在案查前項陋規業經通行
裁革不但吏役需索例所必懲爾等宜知與受
同科萬勿以財行求自取罪戾倘或因日久懈

弛仍有劣弁奸丁開銷陋規往散丁等赴轅首
告如敢聽從朦混以爲橫索幫規地步查出一
併嚴懲

一裁革衙門使費以杜影射也立法除弊先從本
衙門爲始本院自下車以來事事躬親一切陋
規盡行裁革夙夜盟心鬼神可告其餘巡弁委
員吏役家人等嚴加裁汰所存不過數名每日
隨轅辦事不許擅離寸步斷不敢藉端把持除
揭示轅門曉諭外爾弁丁等毋任不肯頭伍勾
串走差人役指稱本衙門用費名目影射開銷

如有棍徒在外捏辭婪索一經查出立即從嚴懲辦各宜凜慎

一嚴禁違例折乾多索兌費以復舊制也查各州縣交兌漕糧如果米色不淨例應將米糠封送總漕巡撫委驗屬實督令賠換以杜私弊而昭核實近來衛弁旗丁於未兌以前先向地方官講明兌費又將應兌行月等米違例折乾州縣官既多出兌費米色斷不能乾潔久悶船艙必致霉變折耗而弁丁多折本色米數本虧再加沿途任意偷賣短少尤多及抵通壩則又有攬

和石灰水土諸弊積習相沿竟成痼疾必應滌
除以清漕政所有本年幫船到次時運弁卽稟
請監兌官眼同衆丁看定米色造冊註明乾潔
字樣及應兌數目並將開兌日期及幫船若干
隻應在次受兌若干日先行申報到院該州縣
亦照此一體造冊詳報以憑查核開兌開行日
期杜其延挨橫索之弊如州縣兌米不淨許運
弁立時封樣稟報倘米色已淨而旂丁仍復任
意勒索亦許州縣將該運弁據實詳揭本院卽
從嚴懲辦其或彼此推諉不行揭報在先以致

耽誤開行定將州縣運弁一併嚴參若既出通關以後再有米質潮雜及攪和霉缺等情卽將該弁丁治罪追賠總之未兌以前責在州縣既兌以後責在弁丁

功令森嚴各宜猛省

一嚴禁委員需索以清積弊也歷來催漕委員藉催需索始則以催釐爲名肆行陵虐旣得使費卽聽從丁舵人等任意停留此等積弊本院素所深知嗣後遇幫船脫空委弁迎提務當實力從公毋許藉差滋擾本院嚴查密訪耳目甚周

爾委員等務須蒞滌前非慎勿自干參處

一禁糧頭伍長勒派苦累以恤衆丁也查旂丁應領行贈月折錢糧及漕借淮放一切銀兩聞歷來均係運弁與糧頭伍長歸總支領扣存公所不行按丁給放並藉口散丁不善謹守恐提溜打鬧雇駿等項臨時誤公爲辭其實沿途各項陋規以及運弁座船火食頭伍私自花銷皆出於此不但衆丁毫無所得更指稱過淮抵通欠有公賬任意浮開勒派丁力坐此日疲漕務因之日敝殊堪憤懣除本院密行查訪懲究外如

仍有積滑奸伍勾同幫弁挾制把持苦累散丁等弊准各散丁具控前來本院定卽從嚴參辦斷不姑寬

一查禁運弁驕侈以端表率也各幫押運領運弁員有管束旂丁之責自應身先奉法潔已奉公迺近日各員弁等毫無顧恤肆意侵漁勒索幫規私收貨值稍不遂意卽縱任家奴逞勢作威如運官旣於幫船封有官坐仍復另有花船而押運之員又復另備船隻行廚酒醴種種驕侈費從何出本院力敦儉樸以身倡率豈任爾等

橫索作踐恣行揮灑所有重空押運領運員弁等如敢仍前惡習定卽參辦不貸

一令領運千總親投大文以塞弊竇也查運弁押幫過揚例向本衙門呈投大文向來胥吏等卽指此索費頭伍等卽藉此冒開本院立定章程凡軍船到關時著領運千總當堂投文本院親行查驗刻卽放行不許丁伍走差人等私自到轅致滋弊竇違者拏究

一杜弁丁交結以肅官常也查各幫旂丁良莠不一聞旂丁等往往與運官家人書役往來徵逐

卷三十一
五
甚至停泊鎮市聚賭宿娼種種爲非大干法紀
更聞運弁與奸丁等常以酒色爲結交之門似
此卑鄙無賴尤堪痛恨嗣後如有干犯科條除
將本丁拏究外並將該運弁參革治罪斷不姑
寬

一禁漕委冒開夫數以息科派也查迎提幫船過
閘剝淺等事向委漕弁催查嘉慶十二年欽奉
諭旨不得多派委員並禁止該弁等收受餽宜等因本
院到任後留心訪察各處漕委等仍多陽奉陰
違一經差委卽至所派之地設立公館添雇走

役逞威縱慾需索幫規且於上閘緯挽等事冒
開夫名勒添夫價名曰催漕實爲漕船之累嗣
後運弁頭伍倘敢仍蹈舊轍科派衆丁一經訪
聞卽行嚴辦

一諭幫弁約束丁衆也各幫丁舵水手倚仗漕運
每將幫船橫截河心或躐次前進點篙掛簷往
來商旅民船大爲受害並有率行上岸酣酒賭
博鬪毆宿娼等事該幫弁務當嚴加約束至跨
幫包夜等項棍徒尤爲糧艘之害領運員弁等
亦應一併查辦不容疎縱

一嚴立關防以防假冒也本院剔釐漕弊至纖至微必加防範倘有棍徒假託本院鄉族戚友或指稱公事藉端誑騙或包攬詞訟誘哄愚丁許各幫丁等指名稟究重法懲處

一禁違例帶貨以速漕船也江廣漕船遠涉長江例帶護木前此因其漸次多帶曾經奉

旨查辦在案嗣後江廣重運來江毋許多帶木植其江浙等幫一體嚴查毋許違例多帶以速行程倘敢故違卽行懲辦

一禁擾累舳舻以清積弊也漕船過淺不得不備

船起剝聞有不肖胥役從中舞弊將空船賣放
反將有貨船隻扣留貨船旣已受累而漕船仍
不能即時起剝反致輾轉耽延不可不嚴行查
禁以後各該地方官及幫弁等務當隨時查察
如有前項情弊立即稟究毋稍疎縱

以上條示各總運領運員弁務宜實力遵行並
詳晰曉諭頭伍衆丁頭舵水手及書吏兵役人
等一體凜遵毋得視爲具文倘敢陽奉陰違一
經本院訪聞或被首告定卽從嚴辦理決不寬
貸爾等各有所身家各有性命萬勿以身試法凜

之慎之

山西晉陽書院告示

照得士爲四民之首士習之淳漓民風視爲升降
故欲化民必先訓士而其道則在辨義利夫義利
判然詎復難辨顧或名列膠庠而貿焉晉亂者何
也敝俗相尋正學日晦一倡百和靡然成風於是
甫學呶呶便規進取經史古文束之高閣腐爛時
藝傳爲鴻祕根柢旣薄轉眼就荒理之不明文於
何有抑或僥倖弋獲遽已自滿偶爾蹭蹬輒便隙
頽以夤緣爲捷徑不憚失身見商賈之居贏遂思
從業類由不知義命而利心中之故不能耐苦以

堅厥志究心以精所學無惑乎士習日卑文風日
靡也今日之士子卽異日之官吏當其爲士尙不
能耐苦又安望身處脂膏能廉於守當其爲士尙
不肯究心又安望躬膺繁劇能勤於職不廉不勤
則吏治壞而害歸於民然則學術之得失所繫重
矣三晉爲古陶唐遺壤風化之所漸靈異之所毓
名賢杰士代不乏人我

朝如永寧之于清端蔚州之魏敏果澤州之陳文貞
合河之孫文定亮節高標前後輝映詎今日遂無
其人余以菲材仰荷

聖恩陳臬茲士兼權藩篆夙宵惕懼凜若冰淵向之爾
苦於學者今益不敢不廉於守向之究心於學者
今益不敢不勤於職結習未忘初心肯負既以自
勗兼勗多士重維弼教之旨益用是爲兢兢至於
出乎禮卽入乎刑榮辱所爭僅若毫秬多士其善
自愛無背義趨利以仰副

聖天子興賢育才之至意是則余之所厚望也多士勉
之

蘇州紫陽正誼兩書院告示

照得書院之設所以輔翼學校興育賢材也吳會
人文淵藪茂才佳士之所集本部院親臨甄別紫
陽正誼二書院多至一千三四百人實係美不勝
收查舊例紫陽內課四十名外課八十名正誼內
課二十五名外課五十名未免人多額少今與兩
司及府縣監院諸君酌議於紫陽加內課十名外
課二十名正誼加內課十五名外課三十名俾多
士得資嚮學惟是課額旣加功修宜密循名責實
始有真儒茲將爲學之要摘敘大凡條列於左

一爲學必先立志志者氣之帥學問事業皆從此出而尤以刻苦二字爲入門著腳之方若處不能究意於編摩出安能盡心於職事窮不能忘情於鮮美達必至極欲於紛華至於偶試高等倖獲高第輒沾沾自謂尤爲所見之鄙決非大器須看王沂公狀元試三場而志不在溫飽范文正公畫粥以食而秀才時便以天下爲己任是何等氣象

一爲學必須植品士爲四民之首本極尊貴然或士名而有商賈行士名而有工匠氣已屬自趨

卑下甚至鑽營結納作弊行私干公事而賊鄉里爲士類所不齒者其始皆由於不知立品也夫虛憍之氣流爲詐僞故品不可以不真放曠之餘漸成挑達故品不可以不正極而言之如挾兔冊以獵功名勦陳文以掩耳目皆品之高者故曰行已有恥可以爲士能知恥始能植品

一爲文宜先宗經制義代聖賢立言必須義理融熟始能言之有物每見時士涉獵說部數冊雜史幾本卽詡自稱名士及詢以四書五經往往

不知所出舍本務末苟以炫俗毋怪乎其文之
不佳也顏之推云文章原本六經韓昌黎云約
六經之旨以成文操觚者安可不知

一讀書宜親友學問之道嚴師爲難以友輔仁自
制藝以及詩古文辭皆不可無淵源不可無根
據乃士習之壞聚處一堂或顯爲標榜或陰相
詆毀或徵逐游嬉言不及義無裨學業大損身
心不可不戒須知清明生於嚴憚持守本於切
磋不特執經問業同於三事卽監院爲諸生先
達亦不敢不敬充此以事賢友仁何患學業不

進

以上各條皆先正庸言本部院特爲揭出與諸
生共勉之以仰副

聖朝育士之意蒸蒸日上厚望焉

籌辦海運曉諭沙船告示

照得上海口岸爲商船出入之所我

國家深仁厚澤利船通商海隅蒼生蒙樂利者二百年矣本年因洪湖決口蓄水無多漕運淺澀來年春運改由海道業奉

聖旨命本部院會同爵督部堂督率辦理茲

特簡道員另調府縣豫行籌辦查上海至天津洋面沙線惟沙船最爲熟悉而沙船之耆舵水手尤屬淳良該船戶等向來受雇貿易今得仰供

天庾之用正可展其平日急公奉上之忱諒必踴躍

趨公咸知感奮惟事屬創始誠恐該船戶等不知
現在籌辦之意合亟出示明白曉諭查海船全憑
風信一交冬令各沙船例應收口守凍其時商貨
已卸本係閒月正值各州縣徵收漕糧陸續交兌
之時是沙船受雇不致等候也載米一石卽有一
石之價另委大員當堂給發絲毫不經吏役之手
雖裝官米仍與民雇無異是沙船不致賠累也滿
載之後任聽俟便開洋不加催促是沙船行住自
由不致掣肘也春初東風司令張帆北去數日卽
抵天津是沙船不患風濤也本部院先委賢員在

天津城東門外守候沙船。到卽與卸裝放回。是船戶管運。不管交不患收米勒措。也在上海受載。裝米之外。仍准稍帶客貨到津卸載。之後仍准放。至奉天攬裝豆餅等物。是官給運價之外。更有餘利也。春夏風信最利。趕緊往回。可裝兩運。其有運米較多之船。商果能兩運。妥速。本部院定當奏請聖恩。賞給頂戴職銜者。舵水手果能穩實勤慎。認真出力。查明亦酌加獎賞。是一舉而名利兩得也。爾等目下有受載商貨北上者。務須早去早歸。其有願在口岸修船。船隻聽候受雇者。各隨其便。一切便

宜斷不稍滋牽累爾等上報

國恩下利身家務宜踴躍及時自効此外如有堅固
平穩情願運米赴津之蜚船鳥船等亦准一體受
雇以示同仁倘有各衙門吏役或土棍人等假公
濟私嚇詐爾等者本部院嚴查密訪一經察出定
當照阻撓軍國重計例處死治罪決不寬饒爾等
切勿疑慮致誤趨公本部院現在親詣上海當面
傳諭行戶船商以及耆民舵工水手人等各宜知
悉特示

安徽水災告示一
道光三年

照得皖省本年四五月間陰雨連綿江河泛漲凡
傍山沿江各屬低窪田地多被淹浸我民蕩析離
居者不少殊堪憫惻先後接據各府州縣稟報情
形前來當經本部院恭摺具奏親臨查勘如有被
水較重之區自當酌量撫卹以資餬口惟是災眚
之來責先大吏本部院飢溺關懷良深悚仄爾等
被水人民亦宜各安義命共保生全切勿怨天尤
人自甘憊廢况本年雨水較多上而江廣下而蘇
浙皆罹水患爾等慎毋輕出其鄉轉致流離失所

合行剴切示諭爲此示仰闔境軍民人等知悉現
在水勢旣退節候尙早務將積水趕緊疏消補插
晚禾其水勢較深之處亦宜設法宜洩補種雜糧
以期一律有秋同沐

皇仁而登衽席倘有莠民乘機捏冒借事紛爭本部院
定當執法從事決不姑寬各宜凜遵

安徽水災告示二

照得各屬被水較重之區業經本部院專摺奏將困乏貧民先行撫卹並出示曉諭在案爾等被水居民諒已均知遵守第思被水人民本有身家本有田業此時雖罹水患水退之後仍可歸還舊業斷無自外生成反滋事端之理惟本部院訪聞各處地方竟有無籍匪徒亦借被水爲名騷擾善良乘機攫竊此輩本非有田何從被水倖災樂禍深堪痛恨若不及早示禁或竟肆無忌憚結黨搶奪則不獨爲害良民抑且大爲災黎之害亂者必斬

斷難姑息爲此示仰軍民人等知悉倘有此等聚衆搶劫匪徒本部院執法如山定當請

旨立行正法決不姑寬須知除莠卽所以安良地方安靜則好善樂施者更多於被水之民亦大有益也各宜凜遵

安徽水災告示三

照得皖省地方濱臨長江上通江廣下達蘇浙商
販米船帆檣絡繹本年入夏以來雨水過多傍山
沿江各屬被水較重米價增昂全賴上游商販流
通公平糶糴則米舟源源而來價值日漸平減誠
恐各屬竟有本地匪徒攔截強買甚至飢民滋擾
以致聞風裹足客販稀少於民間生計所關甚鉅
除飭司道府州轉飭沿江沿淮濱河一帶各州縣
員弁嚴拏匪棍毋許滋擾外合亟出示曉諭爲此
示仰軍民人等知悉凡遇米船麥船到境聽其自

行投行照時價公平糶糴使商販踴躍樂從源源
接濟地方不致有匱乏之虞如有本地匪徒攔截
強買以及飢民強搶滋事許卽同牌保捆拏送官
以憑究治各宜凜遵

安徽水災告示四

照得安徽省本年被水各屬現經本部院奏明動

帑委員赴川廣採買米石運回濟用惟往返需時未
及紓目前之急而各屬米價漸減誠恐殷戶望奢
存穀不糶又或市僧奸牙囤積居奇不可不剴切
訓諭開導夫救災卽所以捍患好義無過於急公
查例載士民人等或捐貲贍族助賑荒歉其銀至
千兩以上粟值千兩以上者均請

旨建坊不及千兩者請

旨交地方官給扁旌賞如有應行

旌表情願議敘者由吏部覆議給與頂帶又嘉慶十九年安省歲祿各屬好義捐施經前部院將捐銀數至千兩以上者專摺奏聞二百兩以上者彙冊具題均經上荷

恩綸優加獎敘本年合當仿照辦理爲此示諭闔省紳士商民人等知悉如有能助賑錢米施設粥廠卽按其所值之價或減價平糶卽按其虧折之數其非殷商富戶而能賑濟一村一鄉或分認日期輪流減價糶賣或輪日贍其本族亦各按其本人所捐所用之數隨施布用因地制宜由紳士經理並

不假手吏胥一俟事竣後地方官呈報本部院卽查成例將一千兩以上者奏明請

旨建坊及賞給職銜其三百兩以上者

題請分別賞給職銜頂帶其三百兩以下者由府州縣給與扁額各紳士等念此災黎誼關桑梓各發惻隱之心以行任卹之惠而又上蒙

寵錫下式鄉閭當亦殷然動念至此等捐輸之舉原係好義之士慷慨樂輸倘有土棍匪徒藉端抑勒苛派或逞強索取滋擾則

國法具在本部院必當執法嚴辦斷不姑寬各宜遵

照

安徽水災告示五

案照本年各屬因被災乏食貧民難以餬口前經
通示各屬勸諭捐輸本部院暨藩司各捐廉三千
兩分散各屬爲諸紳士之倡茲據和州具報在城
紳士陳康等已捐足錢四千串有零監生屠世印
自捐銀六百兩平糶一月又據廬江縣具報在城
紳士已捐銀三千餘兩請將城關內外災戶由伊
等自行捐賑又據無爲州具報在城紳商已捐米
三千餘石又據蕪湖縣具報紳商已捐銀一萬餘
兩又據寧國府具報宣城縣之灣沚鎮已捐錢三

千串似此情殷周卹慷慨捐施洵堪嘉尚惟該州縣好善樂施之士斷不止此數人而此外各州縣尙無成數報聞自應催令踴躍捐輸亟成義舉查嘉慶十九年捐輸案內六安州紳士楊志信等共捐銀十萬兩有零壽州捐職直隸州顧亨獨捐銀一萬三千四百餘兩壽州同知孫克佺員外郎孫克任各捐銀八千六百餘兩滁州監生張應選獨捐銀六千六百餘兩南陵縣捐職同知何鴻梅獨捐銀五千五百餘兩桐城縣候選道劉愛書獨捐銀四千四百餘兩其餘自一千以至二千三千不

可勝計均經前撫院專摺具奏遲荷

聖恩成規不遠前事可師各屬紳商諒不肯以拯溺之
殷懷效鄙夫之慳嗇惟各災區被淹已久當此秋
風既起飢寒交迫亟應設法接濟合再出示勸諭
爲此諭仰各屬紳士商民各發惻隱之心勉圖積
善之慶捐貲助賑及早舉行見義必爲當仁不讓
毋瞻顧毋因循實所厚望至事竣之後核其捐數
之多寡分別題奏必當上請

恩施則前示已詳應當共喻

安徽水災告示六

照得本年夏秋以來安慶寧國池州太平廬州和
州滁州各屬均因雨水被淹業經奏請撫卹一俟
勘定災分卽當分別輕重籲請

恩施而賑例有常衆口嗷嗷尙須接濟前經本部院率
屬捐廉並勸諭紳商一體捐輸現據各屬陸續具
報前來其中好義踴躍者頗不乏人良堪嘉慰惟
念本年被水之處甚廣被災之勢亦較重誠恐各
處所捐尙不敷本境施濟之需溯查嘉慶十九年
各屬捐輸最多者則有壽州紳士孫克任孫克佐

捐銀一萬七千餘兩鳳臺縣顧鄭氏同子顧亨捐
銀一萬六千餘兩南陵縣紳士何鴻梅捐銀五千
五百餘兩桐城縣紳士劉愛書捐銀四千四百餘
兩壽州紳士趙孔德捐銀三千五百餘兩廬江縣
紳士胡稷舒城縣紳士孫序事各捐銀三千兩其
捐銀二千以上者則有滁州貢生馬雲衢繁昌縣
生監謝元鍊謝元鋒南陵縣紳士何鴻霖桐城縣
紳士姚觀昌二千兩者則有六安州紳士祝鼎臣
晁尙忠祝鯤陳心一生監聶敏球侯宗魯晁燕懷
羅興翰壽州監生趙貫一定遠縣紳士方玉達一

千兩以上者則有六安州紳士金考正王崢嶸夏
行仁江文習何進修侯景虞胡長壽金考元楊志
信胡枝惠祝景堂許嗣容董承榮聶攀桂鄔淮戴
培墉趙秉彝無爲州紳士劉傳經壽州生監柏節
方新邵宗賢滁州紳士吳鼎莊孝容田大鏞郭中
階和州紳士夏卓陳康湯華陳業陸文學來安縣
紳士周人傑桐城縣紳士高履吳厥承劉瑤張曾
圻劉宗齡涇縣紳士楊良棟左瑜沈大炳陳景良
王煊王源長王前溪王碧峰王福祖王崇文王竟
成南陵縣紳士汪上珍繁昌縣紳士李祚經吳功

合肥縣紳士孫序事虞廷瑾蔡時程箴丁尙忠解
文謨宋曷張瑜懷舒城縣監生吳邦楹廬江縣紳
士宛啟增章廷樑定遠縣紳士方熊方玉廷等不
可勝計具見關情桑梓好義可風而如江寧上元
縣監生張應選在滁州捐銀六千六百餘兩太常
寺博士涇縣吳學道在無爲州捐銀一千三百兩
淮安鹽商程德公在舒城縣捐銀一千三百餘兩
旌德縣典商增貢生汪家泰在舒城縣捐銀一千
二百餘兩休寧縣監生陳賢洪在巢縣捐銀一千
五百兩又休寧縣監生陳良材陳良榕歙縣監生

許金谷在巢縣捐銀一千兩此皆非其本境而能
慷慨捐輸尤堪嘉尙本年災地雖非該紳士等本
境顧惻隱之念不判親疏調恤之情無分遠邇樂
善好施之士自必以拯溺爲懷不以畛域爲限合
亟出示勸諭爲此示仰該屬紳士人等知悉爾等
質敦仁厚念切災傷其各踴躍捐輸協成義舉本
部院意在救災不同派累銀數多寡聽憑量力諸
紳士所捐之數各繳本管州縣由該州縣具報照
數迅給災區應用至事竣後悉照十九年成案凡
捐銀至千兩以上者專摺奏

聞三百兩以上者彙冊具

題懇請

旌獎議敘不但惠周井里抑且上荷

恩綸流芳異日詎不美哉

沿江被水成災勸捐告示一 道光十一年

照得江南地方自五月以後洪流疊漲田廬被淹
我民猝遭水患顛連失所深堪憫惻業經本部堂
會同撫部院飭屬查勘設法撫卹籌款委員分赴
鄰省採買米麥以應急需並經

奏免關稅以廣招徠仍俟將來勘定災分分別輕重

籲請

恩施凡有關係民生悉皆仰體

聖主如傷在抱之至意設法籌辦惟思度支有常賑荒
有例而閭閻生齒日繁難於格外博施今茲適逢

苦澇所望諸紳富互相勸勉儘力解推本部堂體
察災黎困苦屬望甚殷且自今以逮冬春爲日正
長不得不藉資羣力共相湊助以期推廣

皇仁益宏賑濟合行剴切勸諭爲此示仰各屬紳商士
民人等知悉爾等恭逢

盛世同荷生成宜敦仁讓之風共切救援之念今觀此
災傷自必同深慘惻務各慷慨輸將或捐助銀錢
或賑施米穀或買米減糶或折給口糧悉聽舉行
務歸實濟行之一鄉而生全有效卽推之通省而
利濟無涯事竣之後由各董事將捐施數目報明

地方官轉報本部堂察核銀數自當分別懇請
旌獎見義務必勇爲安貧卽以保富勉敦仁恤共享
昇平是所厚望焉

沿江被水成災勸捐告示二

照得江南地方自五月下旬大雨連綿江潮泛漲沿江一帶田廬盡遭淹沒我民流離顛沛口食無資深堪憫惻業經本部堂會同撫部院飭屬確查設法撫卹籌款委員分赴鄰省採買米麥以應急需猶恐緩不濟急現經

奏免關稅以廣招徠原因災區貯蓄多遭漂淌必須米販流通方足以資接濟但恐沿路匪徒藉災索詐截阻留難勒捐短價商旅聞風裹足殊於民食攸關不可不豫爲防禁合行剴切曉諭爲此示仰

各商販行戶人等知悉爾等來江賣米原係將本
求利今災地需米既多銷售甚易儘可廣爲販運
迅速來江此時過關既免常稅獲利自可豐餘而
災區有米可買民命堪資救急功大利已利人實
爲兩得較之別項交易更爲得濟倘有匪徒人等
沿途截阻留難以及捐勒糾搶之事許卽扭稟地
方官盡法嚴懲該商等亦不得藉此擡價居奇以
安災黎而通商販各宜凜遵

沿江被水成災勸捐告示三

照得沿江沿河各州縣現被水災輕重不一有應
先行撫卹者亦有照例查辦者被災人民極堪憫
側但應靜候次第安撫不可擾亂妄爲致罹法網
乃風聞各處竟有匪徒藉災爲名糾約硬索甚至
夥衆搶奪於往來客商各船硬行占坐蜂擁訛詐
種種不法殊堪髮指本應卽行嚴拏究辦第不忍
不教而誅合先剴切曉諭爲此示仰災民人等知
悉凡被災地方飢民糾夥搶劫卽應照強盜例問
罪地方歉收匪徒擾害挾制亦應照光棍例問罪

本年水勢浩瀚爾等業已顛沛流離自當各安義命共保生全勿輕離故土勿遠赴他鄉一俟水退災消尙可復安舊業倘再聽信匪徒糾煽自恃飢民擾害閭閻攔阻客船必致照例治罪性命莫保本部堂因爾等被苦災民本係良善痛切肌膚是以不憚諄諄告誡爾等慎勿受匪煽惑身蹈重愆至於無賴棍徒倖災樂禍本非真正災民更復藉災滋擾爲害地方爲害商旅並且貽害災民實堪痛恨一經察訪到案定當請

旨卽行正法決不寬饒各宜凜遵

三省水災勸捐告示

道光十三年

照得惻隱首具於四端任卹兼資於六行救災拯溺古之義也頻年以來水患鉅臻我民蕩析離居苦不堪言仰賴

聖主如傷在抱賑緩兼施

恩宏大造不忍一夫不獲而好義紳民仰體

皇仁亦各解囊集腋共濟艱難詎意本年夏秋之間又復雨水連綿長江泛溢加以上游川湖黔粵等省莫不山水疊發來源不絕以致滾滾江流驟難消退自江西以至安徽江蘇沿江兩岸多有損傷此

時民力維艱卽向稱殷實之家亦多竭蹶捐輸原
不易言第思一邑一鄉一村一落被災既有淺深
家計亦有厚薄何妨量力布施至於高田大地並
未被水之處裒多旣可益寡積德尤以厚生況目
擊顛連困苦豈忍獨安飽煖坐視其死而不顧昔
賢有云貧民苦飢正富室市義種德之秋也同是
編氓而得稱富有是勸賑之舉不獨爲枵腹之民
圖目前實爲殷富之家圖久遠又有云飢民一日
得米三合便可不死計一歲中每一石米可救一
人不死由此推之省一筵宴之費可活幾人省一

交際之費可活幾人省一土木之費可活幾人省
一簪珥衣被之費可活幾人省一摩挲古玩奇花
異木之費可活幾人省一布施庸俗僧道之費可
活幾人興言及此是隨時隨地皆可以活人卽隨
意隨緣皆可以造福人亦何憚而不爲至若刻薄
成家理無久享爲富不仁難逃鬼瞰一生衣食有
限死又將之不去何苦以生人活人之物積爲子
孫造孽之具乎又如辛苦成家之人百計經營其
致之也不易其出之也必難往往多有慳吝第思
此等辛苦經營能致之而未必能守也稍分以濟

窮卽永存以保富豈非司馬溫公所謂積陰德於冥冥之中以爲子孫長久之計者乎合亟出示勸諭爲此示仰合屬紳商好義人等知悉爾等覩此流離之際宜敦仁讓之風量力捐輸踴躍救助或散以米穀或資以銀錢或煮粥以充飢或買米以平糶或設嬰堂以收遺棄或置棚廠以養流移或就一村辦一村之捐項或大村兼小村或富村兼貧村以及城廂市鎮分段施賑因地制宜妥帖散放務歸實濟夫十室必有忠信況大江左右海內名邦自能擴充樂善之心推行尙德之事本部堂

實有厚望焉一俟賑卹事竣卽由各董事開冊報
明地方官轉詳以憑核明銀數分別懇請

旌獎各宜勉旃

票鹽由場局收垣發販章程告示

照得淮北鹽務商疲丁困引積課懸上年經本部
堂

奏將湖運滯岸及食鹽各岸改行票鹽一載以來請
運逾額現又

奏准推廣暢岸引地愈廣行銷愈多惟商販既良莠
不齊而利弊卽相因而至近聞場商竈戶與民販
私相買賣並不歸局捆掣且有請運已鹽自捆自
運雖局卡各員隨時查出弊端而重斤夾私仍難
保其必無不得不思整齊畫一之方以期推行盡

利至場竈擡價居奇致民販挾貲遠來無鹽可買甚且詭開垣座脫騙鹽本阻壞票法莫此爲甚合將收鹽應販章程通行曉諭自示之後倘有藐玩不遵者海分司及場局各員立時查究稟辦凜之慎之所有章程開列於後

一各曠本客池面前據海分司開摺詳報俱經局場各商分曠認收在案自當責成認商按池儘收以應販運其未經分司摺報者係屬私開且多係無籍之徒所有續開客池各垣未經摺報請旗者一概勒歇其已收鹽斤儘數入官歸垣

嗣後不准以遠年垣照混請復開以及胥役竈戶朋冑影射違者查出從嚴究辦

一局場各商垣俱按認收池面逐日儘產儘收本客各池每擔遵照例價公平交易分文不許增減竈戶不准先索定錢及小筐淺裝掇交倘竈戶存鹽私貯或潛賣別垣透私查出從重分別懲治

一每引計淨鹽四百斤遵照新定例價收庫平紋銀六錢如有違例擡價指賣許民販指名控告計贓科罪

一場局各商認收池面每日收鹽若干逐垣查明
按三日一報場官暨局員卽於各商名下登記
按旬申報運司再由局員隨時抽查倘有以多
報少者將廩鹽全數充公仍將該商斥革至民
販買鹽錢糧經費局商代交其鹽價六錢交給
局商由局員總核場局各商垣存鹽多少均勻
輪派指垣捆運倘有自留捆運者卽令完納錢
糧勒限趕捆不得借自運爲勒措之計倘局商
尅扣鹽價在場商稟告將局商斥革究辦

一捆掣事宜必由局員眼同民販逐包稱掣方准

出場場商不准私自捆運如場商私賣民販私
買或場商私捆私運局商查知稟明局員將場
商革退倘局商毫無覺察局員查知即將局商
稟革

一上年板浦場大義于公等曠因存鹽較多轉運
不及多有民販雇船赴各曠包垣自捆自運回
至太平堰請掣維時全船滿載勢難逐包盤秤
易啟大斤多包之弊嗣後各場商須將散鹽全
運太平堰堆貯局員常川駐局逐包秤掣倘赴
曠私捆鹽罰充公仍責令該場商賠補給販

一近聞場下買鹽竟有地棍代購包買每引擡價至八九錢之多更索謝禮又或場商請票自捆已鹽連票賣販在半路橋板浦關大伊山等處交鹽有橋交卡交等名目民販無鹽可買又難於空返不得不認貴加價成本既重難免虧折一商虧本羣商裹足大爲票法之害又裝鹽船戶始索重價行至中途復打加添或偷爬盜賣鑿船放生種種病商均須嚴禁嗣後如有前項棍匪把持擾累著海州海州分司場局各員隨時訪拏嚴行究辦決不寬貸

票鹽簡明章程告示

照得淮北改行票鹽裕課便民化梟安竈立法已爲周備惟自創始推廣以後新舊章程間有變通合將納課買鹽出場過卡運岸截角扣限繳票等事再行刊印簡明章程頒發曉諭俾一覽悉知易於遵守所有條目開列於後

一民販來場請票自具手本載明姓名籍貫年貌赴分司衙門掛號會同總辦委場局各官監號每號一百引稅課經費鹽價隨號呈驗當堂兌收給與收銀照票稅課歸庫鹽價歸場經費歸

局板浦中正臨興三場每歲以二十二萬引爲額自正月開印日起逐日收銀上號號滿二千二百已敷引額卽行截止不得溢收青口另爲一局每歲以八萬引爲額由局員經理照辦

一票鹽每引仍照淮北從前每兩併引八百四十斤出場舊則加耗捆重合每票引連耗四百二十斤外加包索二十斤共四百四十斤分裝四包每包連包索瀉耗一百一十斤計每引稅課庫平紋銀一兩五分一釐經費四錢鹽價六錢又十五年歸局捆運盡除預賣擡價等弊酌加

池丁鹵耗籤蓆人工剝價銀三錢共二兩三錢五分一釐此外不准絲毫再加其鹽池丁散送赴局由局員驗係潔淨方許堆貯眼同民販裝包包繩由販自備捆運出局不准池丁在廩下交鹽亦不准民販私赴池頭就捆致有夾帶影混違者鹽罰充公仍從重究治

一板中臨三場各鹽池分上中下三則將二十二萬引均勻分攤某場應派若干號某鹽某圩應派若干號逐一造冊按池配號卽於號上註明在某場某鹽某池丁某圩某竈戶池內買鹽

以除租抑避就之弊但須搭配均平不得少有偏枯其某池內配買之鹽均仍運局配捆

一本池鹽價民販照例定之數於上號時全交場員派池後另由場員給與捆鹽照票赴局捆運無庸局商加具保結亦無須池丁再添圖記以免繁瑣至持票捆鹽後另換三聯大票掣驗出場其鹽價場員面給池戶手領不得絲毫剋扣至西臨局四疇花垛局四疇均係竈戶客池與本池有別不准妄添場商名目另設包垣致滋隔礙應照青口販稽曬掃之法辦理按池挨號

接收捆運其非由局給價者不准填給大票以杜池竈私賣包頭添價夾私等弊

一本池責成池丁將每日所收池鹽儘數歸局客池每圩公設包垣立竈頭一名責令督率各竈戶曬掃儘數歸垣報明場官局員立循環二簿登記聽候派販捆運不准私貯池頭暗藏私室所有土池俱不准掃鹽違者即以私論

一板浦之胸山于公大義三鹽在太平堰捆掣西臨東臨西三新增四鹽在新關捆掣中正場之中正小浦東大東辛四鹽在中正捆掣中正場

之中興富民二疇在東辛捆掣臨興場之正場
富安小防東官浦南北嶺子竈六疇惟正場在
海河之南在臨浦設局捆掣餘五疇俱在海河
之北相距較遠在富安設局捆掣其唐生興莊
柘汪三疇在青口設局收稅唐生疇歸青口捆
掣興莊柘汪各設分局捆掣以上各局俱由局
員隨時按票掣驗截去大票平聲第一角加用
局員驗訖戳記出場

一票鹽出場必須由卡查驗海州鹽河在大伊山
設卡薺薇河在海州西門外設卡沭陽縣六塘

河在吳家集設卡均有委員駐劄票鹽到卡驗
票抽秤包斤相符蓋用卡員驗訖戳記截去大
票上聲第二角填寫月日放行至清河縣之王
營西壩由西壩委員驗明票鹽相符蓋用委員
驗訖戳記截去大票去聲第三角渡黃過壩至
順清河由順清河委員驗票蓋用委員驗訖戳
記截去大票入聲第四角放令渡湖運往指銷
州縣分售如越卡漏截均照偷漏關津例懲治
其餘緝私各卡非票販經行之地不在此例

一運鹽大路一由薔薇河吳家集過卡由六塘河

西行經流陽縣之三尖子地方登陸六十里至
清河縣之王家營西壩渡黃一由海州大伊山
過卡水路南逕新安鎮入安東境由鹽河西行
至清河縣之王家營西壩渡黃如值上游雙金
閘未開鹽河無水可運暫改陸路由新安鎮南
行至安東縣般隄西上抵壩此外黃河八灘六
套等處及由海轉尖各處並贛沱等境內未經
設卡各陸路均不准行走以杜繞越違者以私
論照例嚴辦

一照票一紙三聯右爲票根裁存申繳運司左爲

存查留存分司中爲照票給販行鹽以板浦中
正臨興三場各取上一字編號青口另用青字
編號年月蓋用鹽政印信兩齊縫蓋用運司印
信頒發海分司會同總辦委員轉發三場大使
青口委員填用民販請票填註姓名籍貫指銷
州縣每大票一張運鹽十引計四十包連包索
滷耗共重四千四百斤行於湖運河南安徽各
州縣暨食鹽口岸之山清桃安邳宿睢沈八州
縣不准在海贛行銷以杜影射囤私每小票一
張運鹽一百斤只准行海贛本境不准混行他

岸以清界限其大小票均由總辦委員會同海
分司按引收銀將票發交場官填寫販名口岸
鈐印後送交局員加戳給販不得稍有舛錯

一 淮北引地除江運八岸及天長一縣另行辦理
外其安徽省之鳳陽懷遠定遠壽州鳳臺靈璧
阜陽潁上霍邱亳州太和蒙城六安英山霍山
泗州盱眙五河十八州縣河南省之汝陽正陽
上蔡新蔡西平遂平確山信陽羅山光州光山
固始息縣商城十四州縣江蘇省食鹽口岸之
山陽清河桃源邳州宿遷睢寧贛榆流陽八州

縣又例不銷引之海州安東二州縣共四十二
州縣一律行票按道里遠近立限到岸河南行
票各州縣限五箇月到岸安徽各州縣限四箇
月江蘇食鹽八州縣限兩箇月各於限內到岸
赴所在州縣衙門呈繳照票踰限不繳票作廢
紙鹽以私論海鹽小票限十五日在本局繳銷
踰限根查追究

一原定章程指定請運州縣填註票內越境卽以
私論嗣因票行各岸有請至數萬引者亦有僅
止百十引者鹽多旣慮其滯銷鹽少又慮其乏

食旋於推廣暢岸案內

奏在變通融銷如所指州縣鹽壅銷滯准其在該地方衙門呈明轉運他岸販賣但不准越出四十二州縣之界外倘南侵淮南與江運各岸北越潞東長蘆各引地仍照梟私例治罪

一海鹽食鹽用一百斤小票准民販請票買鹽挑往本境各鄉鎮銷售以資民食此項小票易滋透私必須示以限制查贛榆縣每年額銷三百單引海州幅嶼較廣應酌加一倍每年准行六百單引計二十四萬斤按十二箇月分銷每月

應行五十引遇閏照加春秋菜市用鹽較多三四九十四箇月每月另加一百引共計一千引均用一百斤小票聽民請運倘有潛賣濟梟或藉票行私查出從重治罪其漁船醃切統歸青口買鹽以昭畫一

一票鹽經過沿途各州縣營汛驗票放行不得留難需索如鹽與票離或越卡漏截四角卽以私鹽查辦

以上十三條俱係現行章程條分縷晰一覽盡知各宜遵照毋違

嚴禁沿途匪棍擾累票鹽示諭

照得淮北湖運各暢岸現經本部堂

奏准一律推廣改行票鹽招販納課請運卽日民販
廣至水陸擇便運行可期裕課便民惟聞向來私
販經由各路多有地棍土豪私立鹽關索費包送
稍不遂意卽行強搶並有黑頭坯等名色實屬大
干法紀從前未經行票該匪等止係訛索私梟一
經犯事同爲罪人各按本律治罪今旣改行票鹽
係納課之官引所經道路聽其自便誠恐各匪徒
習爲故常復向民販需索訛搶均未可定合行剴

切諭禁凡素不安分之匪徒人等務各革面洗心
自務正業毋得仍前兇橫致罹法網倘有怙惡不
悛復蹈前轍訛詐搶奪者一經發覺或被民販指
告該管州縣營汛擒拏到官盡法處治本部堂言
出法隨決不寬貸各宜凜遵

嚴禁八灘等處票鹽轉尖入黃示諭

照得淮北自改行票鹽以來民販請運踴躍亟宜
嚴查透漏以期久遠暢行卽如黃河之八灘等處
前因鹽河乏水曾於道光十三年

奏明設卡盤驗遇鹽河無水時准其由海轉尖入黃
以便內外並行嗣因鹽河雙金閘水足資浮送是
以從未由海轉尖業於前發請運票鹽簡明章程
示內通飭禁止在案本年新定章程票鹽均由板
浦鹽河舟運所有由海轉尖入黃之處除

奏明停止並飭廟灣東海二營嚴行查禁不准由海

行走並剗鹽運司籌酌於扼要之佃湖營馬李工
等處專設卡員會同營員堵緝外合亟嚴切示禁
為此示仰票販人等知悉嗣後販運票鹽務須遵
照章程均由板浦鹽河舟運以達王營西壩不得
由海轉尖入黃如敢故違一經委巡員弁拏獲毋
論有票無票定以私鹽治罪決不稍從寬貸毋得
自貽後悔凜之慎之

勸設豐備義倉告示

照得兩江地方頻年被水，嗷鴻遍野，仰賴

聖恩，稠疊賑撫，兼施並倡，捐董率廣，勸紳富解囊布義，
備極經營，始獲宏濟艱難。同臻安帖，因思補救於
臨期，莫若綢繆於未雨。本部堂前於巡撫安徽任
內，曾勸設豐備義倉，以豐歲之有餘，備荒年之不
足。通飭各屬勸捐辦理，繼經籌議章程，具奏於道。
光五年六月欽奉

上諭：陶澍奏勸設義倉所議章程，如州縣中每鄉村公
設一倉，秋後聽民捐輸，歲歉酌量散給，出納悉由民

間經手不假官吏防侵蝕以禁騷擾矜貧寡而杜爭
端各條著卽照議妥爲經理仍督飭各州縣實心實
力勸導有成等因欽此在案今疊遭災歉幸登大有
亟宜仿照而行以期有備無患除出示勸諭外合
再刊刻章程頒發各屬照刊曉諭務使紳富民商
人等好善樂施共相敦勸無論城市鄉村皆可酌
量置倉聽民自便果能辦理有成本部堂定當仍
照皖省成例從優奏請

旌獎以昭激勵也所有原奏章程十二條開列於左

本部堂前經爲此章程籌思經歲簡便直截永遠

可行爾紳民等其勿以空言文告而忽之至若慳
吝之徒難與圖始必當曲爲開導俾知有備無患
安貧卽所以保富倘有匪徒借端肆鬧無知逞臆
刁難則本部堂此示卽可錄存捐穀簿冊之首以
爲憑信

國法森嚴弗任擾累於庫圖置於豐爲善最樂勉敦
任卹共享

昇平本部堂有厚望焉

章程十二條已載入
奏疏倉庫門茲不重錄